

## مع السلامه

مع السلامه  
ليسه الملامه  
ونبتدي صفحه جديده  
أحلامنا ليه تبقى بعيده  
بلاش يكون بيننا وداع  
ياريت ننسى مين فينا باع  
من غير ألم أو تنهيده  
وبإيدينا نداوي الأوجاع

### مع السلامه بلاش يكون بيننا وداع

إحنا الاتنين كنا جناه  
وأدينا اهوه بنصرخ م الآه  
سكت ليه بيننا الكلام  
غير جرح زود م الألام  
عالحب لحد ماضيناه  
تايهين وحاسين بالضياع  
خدنا إيه من الخصام  
ومركب سايره من غير شرع

### مع السلامه بلاش يكون بيننا وداع

لو كنت باقي على حُبنا  
كفايه اللي ضاع من عُمرنا  
عُمر الفراق ماكان لنا  
من حظنا وبختنا  
تعالى نعيش حلمنا  
واللي ماكان له أي داع  
ولا عرف الدمع خدنا  
إن مافيش بيننا خداع

### مع السلامه بلاش يكون بيننا وداع